

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

Dominica Reminiscere.

150

2. *Exemplis superstantiam.* Nam quis, inquit, major est, qui recumbit, aut qui ministrat? Nonne qui recumbit? Hoc ipso eos ad humilitatem invitare vult ut omnibus superbis cogitationibus ex animo profligatis, exemplum suum sequantur. Quod enim hominibus alatum est, abominatio est ante Deum, Luc.

16.v.15.

III. *Annexa consolatio,* qua animum illis addit, ne de remuneratione officiorum suorum dubitent, dum

1. *Fideliter exaggerat.* Vos, inquit, estis, qui permanistis mecum in temptationibus meis. Hoc merito patientiam in nobis excitare debet, ne seducatur a Filiis hujus seculi dicentibus: Vanum est servire DEO, Mal.3. v. ult. Hic Christum fidelitatem & constantiam discipulorum suorum praedicare audimus. Attendit enim Dominus & audit, & scriptus est liber monumenti coram eo, Mal.3.v.16.17.

2. *Pramia deputat.* Disponit illis Regnum, ut edant & bibant super mensam suam in Regno suo, & sedeant super Thronos, judicantes duodecim Tribus Israël. Hoc allegorice dictum, eoque indicatum est, quod vitam & abundantiam habere in eternum, Joh.10. vers.11. quod mundum, qui hic nos judicavit, vicissim judicare, & magna constantia stare debeamus adversus eos, qui nos angustiaverunt, Sap. 5.vers.1.

Ed igitur semper anhelemus, quando res adversa in hoc mundo nobis obtinunt. Quemadmodum agricola expectat pretiosum fructum terrae, patienter ferens, donec accipiat imbre tempraneum & serotinum: Sic & nos patientes simus, &

confirmemus corda nostra, quoniam adventus Domini appropinquat, Jac.5. vers. 7. 8. ibi locupletissimam remuneracionem laborum accipiemus, re ipsa competentes, quod non sint condignae passiones hujus temporis ad futuram gloriam, quae revelabitur in nobis, Rom. 8. vers. 18.

De Tertio.

Superest tertium membrum, nempe *Statutus futuri prænuntiatio*, ubi attendenda

1. *Valedictoria Concio*, quam Servator ad discipulos suos ante discessum ex hoc mundo habuit. In qua agit

1. *Degloratione*, de quo loquitur

1. *Subjectivè* dum indicat, quomodo ipse glorificandus sit, & quidem in praetrito, quasi jamdum factum sit, ad modum S. Prophetarum, propter certitudinem, quia dictum Dei habetur profacto, ut Rabbi Salomo scribit. Ejus ideam Petro, Jacobo & Johanni in monte Thabor ostendit, Matth.17. Sed per resurrectionem & ascensionem suam, omnia in summo gradu consummata sunt. Seder enim nunc ad dextram Dei, & dominatur super omnem Principatum, Eph.1.v.21.22.

2. *Relative*, ut indicet, quomodo glorificatio haec a Deo veniat, & vicissim ad gloriam ejus referatur, nempe *ad clarificationem iustitiae ejusdem*, juxta quam humanum genus in gratiam ante recipere non potuit, quam sicut factum ei esset: & quia nos ei satisfacere non potuimus, non peperit proprio suo Filio, sed pro omnibus nobis tradidit, Rom.8. v.32. qui solvere coatus,

Etus, quod non rapuerat, Psal. 69. v. 6. ut nos per eum redēptionem haberemus, per ipsius sanguinem, & remissionem peccatorum, Col. 1. v. 14. **Ad clarificationem misericordiae ejus.** In hoc enim commendat Deus caritatem suam erga nos, Rom. 5. v. 8. 9. **Ad clarificationem veritatis ejus**, nescit enim mentiri, Hebr. 6. vers. 18. ideo omnia impleri oportuit, quæ scripta fuerunt per Prophetas, de Filio hominis, Luc. 18. vers. 31.

Solacium capite ex clarificatione hac, Dilecti! Vos enim ejus quoque aliquando participes evadetis, nempe die ultimo, ubi Dominus transfigurabit corpus humilitatis nostræ, Phil. 3. v. 21.

2. **De emigratione.** Filioli, ait, adhuc modicum vobiscum sum; queretis me: & sic ut dixi Judæis: Quo ego vado, vos non potestis venire.

Tra hinc notanda veniunt:

1. **Est blanda compellatio.** Vocat enim Christus discipulos suos filiolos. Est enim Pater æternitatis, Esa. 9. v. 6. qui nos dignit voluntarie verbo veritatis, ut simus primitæ aliquæ creaturatum ejus, Jac. 1. v. 18.

Hoc nostræ inserviat consolationi. Quia enim ipse nos vocat filiolos suos, filiale fiduciam concipere possumus, quod nos non patiatur tentari, supra id, quod possimus, i. Cor. 10. 13. sed quomodo Pater miseretur filiorum, ita & nostrum miserebitur, Psal. 103. v. 13. nec relinquet virgam peccatorum, super sortem justorum, Psal. 125. v. 3.

2. **Abitus denunciatio.** Porro enim inquit: Filioli, modicum adhuc vobiscum sum; hoc de passione & morte ejus intelligen-

dum est. q.d. non moras agitabit proditor meus, & revertetur cum magna manu militum & servorum Sacerdotum, qui me prehendent, & tandem crucifigentes occident, ut aliquamdiu me non conspiaciatis.

Hæc tristis valedictio, ad cuius auditum sine dubio Apostoli lachrymas emiserunt.

Nos cogitemus, quod & nobis aliquando Nostratibus valedicendum sit, statutum enim est omnibus hominibus, semel mori, Hebr. 9. v. 27. Sic certissime aliquando per mortem divellemur: Sed hæc consolatio nos manet, quod die ultimo vicissim conventuri simus, ubi indissolubiles cohabitabimus semper, i. Thess. 4. vers. 17.

3. **Sequela negatio.** Quæretis me, & sicut dixi Judæis, quo ego vado, vos non potestis venire. Hoc ipso respicit acrem illam disputationem, quæ sibi cum Judæis intercesserat, Joh. 8. v. 21.

Probe advertendum, quod Christus ad discipulos suos ait: quo ego vado, vos non potestis venire, nondum enim temporis ratio requirebat, ut Apostoli paterentur & morentur. Solus enim Sacrificium hoc propitiatorium exantlaturus erat, juxta illud: Torcular calcavi solus, Esa. 63. vers. 3. Sicut propterea unicus Mediator Dei & hominum dicitur, i. Tim. 2. vers. 5.

3. **De dilectione.** Hinc ait: Mandatum novum do vobis, ut diligatis invicem: sic ut dilexi vos, ut & vos diligatis invicem. In hoc cognoscet omnes, quia discipuli mei estis, si dilectione habueritis adinvicem.

Hoc

Dominica Reminiscere.

152

Hoc nobis quoque dictum est. Dilectio enim maxima est virtutum omnium , 1. Cor.13.13. ideo apprime op' erit, ut illi operam demus. Si quis dixerit, quoniam diligo Deum, & fratrem suum oderit , mendax est, 1. Joh.4.v.20.21.

II. Immoderata Petri presumptio. Ubi observandum

1. Quesitum. Audiens enim Servatorem dicentem: Quo ego vado, vos non potestis venire : Quærat ille; Quo vadis, Domine? Fuit hoc indicium

1. Supina stupiditatis. Dominus sane satis manifeste dixerat , quo vasurus esset : Quia vero id Petro, cæterisque Apostolis minus arridebat, idcirco nec intelligere volebant. Ita adhuc hodie multi conciones frequentant, & tamen nunquam ad agnitionem veritatis perveniunt, juxta illud , Hebr.5. v.12.

2. Humanae fragilitatis. Vcl justus enim in die septies cadit, Prov.24. v.16. Quinimmo quis intelligit delicta? Psal.19. v.13. id agnoscamus oportet, adeoque cum omnibus sanctis pro remissione peccatorum Deum oremus, Psal.32.v.6.

2. Responsum , quod valde memorabile,

1. Ratione argumenti, quo

1. Corrigit, præsumptionem & temeritatem ejus, dixit quasi ostendens

1. Temporis differentiam. Quo ego vado, inquit, non potes me modo sequi, sequeris autem postea. Coram Deo enim omnia demensa sunt, quodlibet tempus suum definitum habet. Petrus quoque crucifigendus erat, sed tempus nondum instabat, id æ quo ipsi animo expectandum fuit.

Nemo enim nostrum sibi vivit, & nemo sibi moritur, Rom.14. v.8.

2. Diabolus truculentiam, Satanás, ait, expetivit vos , ut cibraret , sicut triticum. Quando triticum purificare volumus, cibro id tam diu ventilamus, dum pulvis & cæteræ sordes separata sunt , quamvis & nonnunquam bonum granulum pettranseat. Ita, ait Christus, Diabolum omnes Apostolos collectim quasi cibro indidisse & ventilasse, instar tritici, ea ipse, ut unus vel alter pettranseat, ut naufragium salutis faciat, 1. Tim.1. v.19.

Certissime persuadeamus nobis , Dilecti ! Diabolum adhuc hodie cum cibro suo circumite, & interitum nostrum quætere, coram eo enim gaudet mæror, Job. 41. v. 13. Sed limites à Deo ei permisso transire nequit, ideo assidue oremus :

Tentationem referas,
Cum nos malignus Satanás
Tentat, sinistre, dextere,
Da fortiter resistere,
Firma cataphractos fide,
Sanctique Spiritus ope.

Sed & hoc solarium teneamus , etiamsi Deus, ex sanctis suis causis, ejusmodi temptationem nobis immitteret , quod tamen Deum diligentibus omnia in bonum cooperabuntur, Rom.8. v.28. Nam quemadmodum cibratio & ventilatio tritico non incommodat, sed potius hoc ipso purificatur , & à paleis aliisque sordibus purificatur, ut postmodum instar flavi auri in area conspiciatur. Ita & nos per afflictiones & tribulationes varias quasi cibraramur , ut qui foris est homo, corruptatur, & is, qui intas

justus est, renovetur de die in diem, 2. Cor. 4.v.16. Sir. 2.v.1. seqq.

2. Erigit. Ego autem, inquiens, rogavi pro te, ut non deficiat fides tua.

Hic videmus, cui acceptum ferre debeamus, ne Satanás nos in potestatem suam redigat, nempe Dn. nostro Iesu Christo, qui est ad dexteram Dei, & interpellat pro nobis, Rom. 8.v.34. Hinc Ecclesia:

Nil ecce! nostris viribus,
Mox ille nos prostravit,
Nostris at est à partibus,
Quo Jova nos beavit.
Si quæreris ille quis?
Jesús vocatur is,
Rex gloriae summus
Nec alter est Deus,
Hic solus est invictus.

Oves enim, inquit, meæ vocem meam audiunt, & do eis vitam æternam, Joh. 10. v. 27. 28.

3. Dirigit. Et tu aliquando conversus, confirma fratres tuos

Id nostrum quoque debitum requirit, ut si hunc vel illum in delicto aliquo præoccupatum viderimus, eum instauremus spiritu lenitatis, Gal. 6.v.1. Jac. 5.v.ult.

II. Ratione juramenti. Úbi enim Petrus cedere nondum vult, sed audaciter præsumit, inquiens: Animam meam pro te ponam: & iterum: Domine, tecum paratus sum, & in carcerem & in mortem ire: Ipsi Servator indicat, quam parum temeritati huic tribuendum sit. Nimirum nihil prorsus. Jurat d enim ad severat, Amen, Amen dico tibi Petre; non cantabit hodie gallus, donec ter abneges, nosse me.

Unde patescit

1. Christi veriloquentia. Geminum enim juramentum jurat, Amen, Amen dico tibi, quo non opus fuisset, mentiti enim nequit, quo vero abundanti ostenderet pollicitationis hæredibus immobilitatem consilii sui, interposuit jusjurandum, Hebr. 7.v.17. O felices, quorum causa Deus jurat, o infelices, si ne juranti Deo credimus, ait Tertullianus. Certe dum illis erit adversus stimulum calcitrare, Act. 9.v.5.

2. Christi omnipotentia. Hic audimus, scire eum quando & quoties gallus canturus sit. Ita ne dubita mi Christiane, scit ille, quid facias, & ubi habites, Apoc. 2.v. 13. Omnia in providentia ejus descripta sunt, & sicut gallus sine voluntate ejus non cantat, sic multo minus pecoribus tuis absque permisso ejus, incommodum oborigitur. Ideo invoca ejus benedictionem, si ea indigeris, ipse cuilibet simpliciter dat, Jac. 1.v.5. & benedictio ejus sine molestia dicitur, Prov. 10.v.22.

III. Diversa Apostolorum conditio. Ubi ad animum ipsis Christus revocat,

I. Statum pristinum,
I. Per propositam questionem, in qua agitur

I. De ablegatione. Dicit enim se sape eos misisse, sine fæculo, sine pera & calceamentis, quo ipso dubio procul se refert ad mandatum, quod ipsis antehac dederat: Nolite possidere aurum, neque argentum, Matth. 10.v.9.

Hic perspicimus Christum Ministros suos non instruere externis mediis, ut coram mundo in autoritate vivant: sed mitit eos sine fæculo, sine pera, & calceamentis, quæ enim nihil sunt coram mun-

u

do,

do, clegit, ut ea quæ sunt obliteraret, 1. Cor. 1. v. 28.

Interea est & manet ille Dominus mes-
sis, Luc. 10. v. 2. Et si adhuc hodie pauperes
& abjectos mittit, non Personam ejus Au-
ditores respiciant, sed eum, qui misit illum,
memores illius Christi: Qui vos audit, me
audit, Luc. 10. v. 16.

2. De sustentatione. Simul quoque eos-
dem interrogat, nunquid aliquid defuerit
ipisis. Evidem Divitiae & copia non indi-
cant, illos qui illis prædicti sunt, in gratia
Dei esse. Pauci enim offenduntur, qui illis
recte uti queant, plurimi cor iisdem appo-
nunt, Psal. 62. v. 11. dicentes obryzo: fiducia
mea, Hiob. 31. v. 24. Ideo Jacobus ait: Nonne Deus elegit pauperes in hoc mun-
do, divites in fide, Jac. 2. v. 5. Sed quando
hic Servator discipulis suis ait: Nunquid
defuit vobis! Hoc ipso necessariam sus-
tentationem respicit, quam illis per ordinaria
media procuravit, per illos, qui eos recepe-
runt, & hospitium largiti sunt. In quam-
cunque civitatem intraveritis & suscep-
rint vos, manducate, Luc. 10. v. 7.

Hoc ita Deus ordinavit, Quia enim qui
literis discendis incumbit, ab aliis labori-
bus vacare debet. Sir. 38. v. 25. æquum est,
ut communiceatis, qui catechizatur in ver-
bo, ei, qui se catechizat, in omnibus bonis,
Gal. 6. v. 6. Quis militat suis stipendiis un-
quam? 1. Cor. 9. v. 7. seqq.

2. Per datam responsionem. Dicunt illi,
quod nihil sibi defuerit. Idem multi expe-
riuntur, qui licet curta sibi suppellex fuerit,
tamen cum revolutione anni confiteri co-
guntur, nihil defuisse sibi. Hec opus divinae
providentiae est, qui modica benedictione
sua auget, ut necessitati nihil deficiat, Prov.

30. v. 8. exemplo est vidua Sareptana, 1.
Reg. 17. v. 12. seqq.

2. Statum futurum, inque eo

1. Imminens periculum, quando dicit: Sed
nunc, nunc ait, alia vobis conditio erit, non
ulterius cibus & potus ministrabitur vo-
bis, verum injuria afficiemini, & perse-
quentur vos de civitate in civitatem,
Math. 23. v. 34. Imo, omnis, qui intet fecer-
it vos, arbitrabitur cultum se præstare
Deo, Joh 16. v. 2.

Hic apparet, in hoc mundo pios con-
stans gaudium non habere: sed licet quan-
doque prosperis fruantur, ut in opia nulla
laborent: attamen fortuna mox ipisis ad-
versatur, ut cum Paulo querulari cogantur:
Usque in hanc horam, & esurimus, 1. Cor.
4. v. 11. sicut enim bonam diem, sic & ma-
lam fecit Deus, ut igitur in illa fruimur
bonis, sic & in hac malum feramus mo-
derate, necesse est, Eccles. 7. v. 14. Qui
id facere non vult, ille Christo dignus
non est.

2. Fidele consilium, quod Christus disci-
pulis suis suppeditat, dicens: Sed nunc
qui habet saculum, tollat, similiter & pe-
ram. Et qui non habet, vendat tunicam
suam, & emat gladium. Dico enim vobis:
quoniam adhuc hoc, quod scriptum est,
oportet impleri in me: Et cum inquis de-
putatus es. Etenim ea, quæ sunt de me,
finem habent.

Hic duo consideranda occurunt:
1. Verborum sonus. q. d. Ego haec tenus
vos alii, vosque protexi, ne quisquam vo-
bis molestus esset. At jam admodum tristia
& periculosa tempora instant: ut vobis o-
pus esse videatur, ea querere præsidia, qui-
bus dum solenni more vobiscum eram,
non

non indigebatis. Theophylactus ita: *Bella & pericula significat, docens, ut ad omnia parati sint.* Ideo vult ut sacculum & peram necessariis alimentis instructam habeant, simili ter & gladios emant, quibus se adversus injustam vim tueri possint. Verum non sermo est de gladiis corporalibus, siquidem Petro gladio percutienti præcipit, ut gladium in vagina recondat, Matth. 26. v. 52. sed commendas illis scutum fidei, & gladium Spiritus, quod est verbum Dei, Eph. 6. vers. 17. Nam arma militiae nostræ non carnalia sunt, 2. Cor. 10. vers. 4.

2. *Rationis pondus.* Quoniam ait, adhuc hoc, quod scriptum est, oportet impleri in me: Et cum inquis deputatus est. Hoc ipso Servator respicit instantem suam passionem & mortem, ubi vere cum inquis deputatus est, primo in horto Oliveti, ubi Judæi, nocte intempesta, velut maleficorum pessimum eum invaserunt, captum laqueis constrinxerunt, & ad summum Pontificem Caipham deduxerunt, ubi colaphis cæsus & ad mortem condemnatus est, Matth. 26. v. 47. seqq. Deinde in prætorio Pilati, ubi nequissimus latro Barrabas ipsi prælatus, & cum eo permutatus est, qui tamen velut latro & seditiosus, dupliciter mortis reus factus fuerat, Joh. 18. vers. ult. & tertio in loco Calvariae, ubi inter latrones medius suspensus, & velut bipedum nequissimus, crucifixus fuit, Luc. 23. vers. 33.

Veluti igitur hoc Propheta Esaias dum prædixerat, c. 53. v. 4. ita significat ipsis Christus, hoc æque ac reliqua Vaticinia in se complendum esse. Et hoc optimum nostrum solatum in omnibus adversitatibus

bus est, quod sciamus, nihil nobis fortitudine obtinere posse, sicut nec Christo Servatori quicquam acciderit, quod non per Prophetas prædictum sit. Ideo dicamus: Fiat voluntas tua, Matth. 6. v. 10. Siquidem Deum diligentibus omnia in bonum cooperabuntur, Rom. 8. v. 28.

3. *Apostolorum ingenium*, qui sensum verborum Christi minus capientes, semper terrenis cogitationibus occupati sunt, id eoque dicunt: Domine, ecce, duo gladii hic, q. d. Optime Domine & Magister, ne sis sollicitus de gladiis, ecce hic duo parati sunt, & si illi non sufficiunt, facile plures comparabimus, quibus ita hostibus resistemus, ut re ipsa experiare, quod te in periculo non reliqueris, sed strenue pro te dimicaturi simus. Dominus qui ruditatem eorum facile perspicit, colloquium hoc abrumpit, dicens: Satis est. q. d. O quam finitè verba mea interpretamini! quam parum sensum verborum meorum assequimini! ego de gladio spirituali loquor, & vos de corporalibus intelligitis. Satis est, sufficiat hæc meminisse. Veniet utique tempus, quo verba hæc mea in memoriam vobis revocabitis, & plenius intelligetis.

Perspicimus hinc, natura nos obtenebratum habere intellectum, Eph. 4. v. 18. nec percipere ea, quæ sunt Spiritus Dei, 1. Cor. 2. v. 14. Idcirco oremus Deum oportet, ut de nobis illuminatos oculos cordis nostri, Eph. 1. v. 17. quo videamus mirabilia in lege ejus, Psal. 119. v. 18. & de die in diem crecamus in scientia ejus, Col. 1. v. 11. in qua vita æterna consistit, Joh. 17. v. 3. Imprimis vero consolatione plenum est, quod Dominus discipulos suos propterea non abji-

Vid. except. Homilet. pag. 373. ad h. l.

cit, sed infirmitatem eorum patienter tolerat. Similiter enim adhuc hodie affectus est erga te, me, & omnes peccatores: calamum quassatum non conteret, & linum fumigans non extingueret, Isa. 42. v. 3. Sed si benedictus Domini ceciderit, non projectetur, quia Dominus sustentat manum suam, Psal. 37. v. 24.

Vis infertur huic textui quando Pontifex hinc potestatem utriusque gladii, & spiritualis & politici sibi adstruere satagit. Neque enim Christus Apostolos gladiis corporalibus se munire jubet, sed hoc ipso indicat ipsis futurum periculum, quod proxime instet, ubi tacite ipsis spirituali

armaturam commendat, quibus & nos hodie omnes & singuli indigemus. Vita enim nostra perpetua militia est, Job. 7. vers. 1. Atqui nemo coronatur, nisi legitime certaverit, 2. Tim. 2. vers. 5. ideo ferendum & certandum, si coronam vitae, Apoc. 3. vers. 13. coronam iustitiae, 2. Tim. 4. vers. 8. immarcessibilem gloriae coronam aliquando reportare velimus, 1. Petr. 5. v. 4.

Quam nobis omnibus tempore suo latiri dignetur ex gratia, Deus celestis Pater, per Iesum Christum, in Spiritu sancto, Deus laudandus nunc & in secula, Amen!

DOMINICA OCULI.

Textus.

Ex Historia Passionis Iesu Christi.

EXORDIUM.

Hodierna Dominica dicitur Dominica Oculi, quia olim in Ecclesia Latina in introitu canticum erunt ex Psal. 25. Oculi mei semper ad Dominum. Hoc ipso Majores nostri respexerunt, ad hodiernum Evangelium, in quo de obfesso agitur, cui Diabolus linguam ligaverat, ut non potuerit loqui, aures, ut non potuerit audire, oculos, ut nequierit videre. Verum Servator Christus miserum hunc homuncionem respicit, & Daemonem ab eo expellit, ut ex tempore

restituatur & sanetur, sicut pluribus S. Lucas describit, cap. 11. v. 14. - 28. Ideo recte dicitur Oculi, sive aperi oculos, ut consideres

I. Triplicem Querelam, quae nobis in Evangelio proponitur, ubi spectes

1. *Obfessi spectaculum*, quod indicat nobis Satanam truculentiam & tyrannidem, quam adhuc hodie exercet, si ipsi Deus id permittrat. Ideo vocatur Abaddon, Apoc. 9. v. 11. O quot occœcat, ut non fulgeat eis illuminatio Evangelii gloriae Christi, qui est